

# Li tenq'anel na'leb' chirixeb' li kok' k'anjel ut li tenq'ank neke'xb'aanu li saaj

*Na'ajman naq li tenq'anel na'leb' a'in tixtenq'aheb' li saaj ut li ninq aj jolominel chixk'uub'ankil xna'leb'eb' chirix li tenq'ank ut eb' li kok' k'anjel jwal chaab'ileb'. Li tenq'anel na'leb' a'in naru ajwi' taa'oksimanq sa'eb' li ch'utam re oqech ut teep, ut sa' li jolomil ch'utam reheb' li saaj.*

## EB' LI XB'EENIL NA'LEB'

Tento naq k'uub'amb'ileb' ut b'aanunb'ileb' li kok' k'anjel xb'aaneb' aj jolominel re li molam malaj tzoleb'aal, chi tenq'amb'il xb'aaneb' li ninq aj b'eresinel. Na'ajman ru naq li kok' k'anjel:

- Te'xkawob'resi li tasal tenamit yookeb' chi k'iik sa' xpaab'aaleb' chirix li qaChoxahil Yuwa' ut li Jesukristo, li Ralal, ut te'xtenq'aheb' li saaj ut lix junkab'aleb' chi xik chi uub'ej sa' li b'e re sumwank naq yookeb' chixk'ulb'aleb' li ch'a'ajkilal re li yu'am.
- Te'xtenq'aheb' li saaj chixb'aanunkil li k'anjel re li kolb'a-ib' ut li taqenaqil loq'al (chi'ilmanq *Manual General: Servir en La Iglesia de Jesucristo de los Santos de los Últimos Días* [2020], 1.2, [ChurchofJesusChrist.org](http://ChurchofJesusChrist.org)).
- Te'xtenq'aheb' li saaj rik'in xkawob'resinkil li junajil sa' molam malaj tzoleb'aal ut rik'in xkawob'resinkil lix komonileb' rik'ineb' li rech saajil, lix jolomineleb', ut lix junkab'aleb'.
- Te'xk'e xhoonaleb' li saaj chi k'anjelak chiru ras riitz'ineb' ut chi k'iik sa' musiq'ej, sa' komonil, sa' tib'elej, ut sa' k'a'uxleb'aal (chi'ilmanq [Lukas 2:52](http://Lukas 2:52)).
- Te'xkawresiheb' li saaj winq ut saaj ixq chixtz'aqob'resinkil ru lix choxahil k'anjel.
- Te'xtaaq chixjunil lix na'leb' li Iglees chirix chan ru wank sa' xyaalalil (chi'ilmanq [safety.ChurchofJesusChrist.org](http://safety.ChurchofJesusChrist.org)).

## LI TENQ'ANEL NA'LEB'

Naru xjalb'aleb' li tenq'anel na'leb' a'in a' yaal li na'ajej wankat wi', chi b'eresinb'il xb'aaneb' laj jolominel sa' laa na'aj:

- Us xb'aanunkileb' li kok' k'anjel rajlal xamaan wi naru. Naru xk'osb'al jarub' li kok' k'anjel neke'b'aanuman a' yaal li ajb'il ru ut xwanjikeb' li ani wankeb' sa' li molam malaj tzoleb'aal, a'b'an tento xb'aanunkil jun k'anjel rajlal po.
- Kuub' jun tusleb' kutan choq' reheb' li oxib' po chalkeb' re. Chi jo'kan ak k'uub'amb'ilaqeb' chi rub'elaj jalan jalanq li chaab'il kok' k'anjel, li k'uub'amb'ileb' a' yaal li tenq'anel na'leb' wan arin, li te'xtenq'aheb' li saaj sa' molam malaj tzoleb'aal.
- Sik' chan ru naq eb' li saaj te'ruuq chixtenq'ankileb' li kristiaan, li junkab'al, ut li tenamit. K'e reetal k'a'ru rajomeb' ru ut li nawulak chiruheb' li saaj, ut waklesi xch'ooleb' chixk'oxlankileb' li kristiaan wankeb' chixsutameb'.
- Jwal chaab'ileb' li kok' k'anjel choq' reheb' li saaj winq ut li saaj ixq sa' komonil, jo'kan naq us xb'aanunkileb' rajlal po wi naru. Us xb'aanunkileb' chi kok' aj xsa' choq' reheb' li saaj li ninqeb'.
- Tenq'aheb' li saaj chi tz'aqonk sa'eb' li ch'utub'aj-ib' ut li campamento:
  - Eb' li saaj li ak xe'xket kaalaju chihab' xyu'ameb' te'ruuq xik sa' li junjunq chi Conferencia Para la Fortaleza de la Juventud (PFJ). Naru taawanq jun ch'utub'aj-ib' choq' reheb' li saaj wi maak'a' li Conferencia PFJ chiru junaq chihab'.
  - Naru te'wanq lix campamento li Saaj lxx ut lix campamento li molam sa' li Tijonelil re Aaron rajlal chihab'.
  - Naru ajwi' te'wanq xkomon chik li campamento ut kok' k'anjel. Choq' reheb' li saaj winq, patz'b'il naq te'wanq oxib' malaj toj waqib' chik li campamento rajlal chihab', wi naru.
- Wan li na'leb' chirixeb' li kok' k'anjel choq' re li molam malaj tzoleb'aal sa' [ChurchofJesusChrist.org/youth/childrenandyouth/discover](http://ChurchofJesusChrist.org/youth/childrenandyouth/discover). Oksi li hu [Choq' re Xkawilaleb' li Saaj](#) (2011) sa' xk'uub'ankileb' li kok' k'anjel.

## TENQ'ANEL HU

- *Manual General*, eb' li ch'ol 10, 11, ut 20
- [YoungWomen.ChurchofJesusChrist.org](http://YoungWomen.ChurchofJesusChrist.org)
- [AaronicPriesthoodQuorums.ChurchofJesusChrist.org](http://AaronicPriesthoodQuorums.ChurchofJesusChrist.org)